

• Angqhoh Ngeihcib Daih •

Fwen Eu Ngeihcib Daih

歌唱二十大

□ Cinz Genmouz / 覃建谋

Dangj hai Ngeihcib Daih,
Simhai doengz vamoq,
Bae haw daengz daihloh,
Nuengx iu go eu fwen.

Siengj eu gijmaz fwen,
Cingj nuengx sien daiqlhoh,
Bya youz ndaw raemx moq,
Nyauh couh rox riengz laeng.

Dangj hai Ngeihcib Daih,
Bak va hai angqhoh.
Bya diuq roeg ciengq go,
Va gwnz bo haihoengh.

Ngeihcib Daih cingsaenz,
Doengz roengz fwn samnyied,
Gvancez lumj fwn rwed,
Faexdiet hix hai va.

Cungjsuhgi haedsim,
Lajmbwn vunz yunghhu,
Byaij daegsaek daihloh,
Guekcoj miz bya ing.

Cungjsuhgi baugau,
Doengz byaj bauq haicin,
Gawqgawq ndaej minzsim,
Sawsaw dingh daengzcog.

Muzbyauh dingh ndaej ndei,
Guekminz meiz(miz) maqmuengh,
Yendaiva guekgiengz,
Doengz bouxsien suenva.

Bi ngeih lingz samhaj,
Yendaiva daeuj daengz,
Dangj dazloh rongh daeng,
It dingh raen gizgyae.

Ngeih lingz haj lingz nienz,
Caux ok giengz guekcoj,
Dangj minz caez buekguh,
Hai loh doq giuzgim.

Cibbet Daih gvaqdaeuj,
Cungguek raeuz vuenh mbwn,
Bouxhoj cungj miz gwn,
Duetgungz bongh siujgangh.

Ngamq gvaqdaeuj cib nienz,
Guek raeuz bienq daiq ndei,
Lumjbaenz naengh feihgeih(feihgih),
Seizseiz bae doxhwnj.

Gyoengq dou youq gwnzbiengz,
Gij yienghnaj ndaej vuenh,
Gag minzcuз beixnuengx,

Doxgiet ndongj gvaq gang.

Raeuz guek giengz daegsaek,
Gaenq caep baenz ciengzgiek,
Caez laebdaeb bae buek,
Laeuz lumj diet lumj gang.

Dangjcunghyangh haedsim,
Dwg gwnzmbwn daengngoenz,
Dazyinx raeuz lwgminz,
Cauh mbwn guh haij moq.

Cunghyangh gyoengq lingjdauj,
Bouxboux caux ndaej moq,
Byaij daegsaek dauhloh,
Guek raeuz rox hoenghhwd.

Daegsaek geizhoengz moq,
Hawj guekcoj dazloh,
Daegsaek swhsiengj moq,
Hawj daihloh rongh daeng.

Daegsaek cungguekloh,
Doeng bae doh ngaenzmboq,
Dangj daiqdaeuz hai loh,
Cienz minz doq giuzgim.

Daegsaek swhsiengj moq,
Daegsaek loh ciuq rongh,

Gohgi raeuz baenzdong,
Ndaej hwnj mbwn roengz haij.

Ngeihcib Daih hai gvaq,
Caezgya caen guh ndei,
Dangj hawj minz gyaq lae,
Raeuz bin bae gwnzmbwn.

Caen guh daengz ndawreih,
Daihdeih gyaij duzlungz,
Caen guh youq gwnzmbwn,
Mbwn doek fwn rwed haeux.

Cienz dangj caeuq lwgminz,
Caez doengzsim gvaq haij,
Bet sien youz feizhaij,
Bouxboux sai goengrengz.

Minz riengz dangj aen sim,
Gyaq giuzrin gvaq haij,
Ciengxlwenx riengz dangj byaij,
Fanh daih mbouj baenq gyaeuj.

Raeuz riengz dangj hwnj mbwn,
Caux fwn dingj hancai,
Raeuz riengz dangj roengz haij,
Vuenh haij ciengx lungzgim.



“Mwngz aeu cehgocoengh caeuq
golae cienq hawj Ahveij gwn,
yienghneix mbouj dwg daegdaengq
aeu mingh Mehveij song mehlwg ha?”

“Ahbyauh!” Aulungzgveiz hemq
ndaej gou baihlaeng caep baez he:
“Mwngz baenzlawz guh ne? Cienq gij
yw naengj fwngz hawj Ahveij gwn?
Gou mbouj dwg gangj ndaej gig
cingcuj ha?!”

Gou itseiz deng maenj ndaej
gyaeuj ngunh da raiz, nam dap: “Gou
lwnh gij vah mwngz hawj Mehveij
gvaq lo.”

“Ha!” Bohgoux baenq gyaeuj
dacaengz gou baez he: “It dingh dwg
gauj loek lo, Ahveij yiemjiemj dai
bae!”

“Seizneix ne?”

“Ndei lo. Caeklaiq gwn gij yw
gaijdoeg ndaej gip.”

“Ai!” Aulungzgveiz youh danq
gaemz heiq ndeu: “Baenzneix Mehveij
it dingh haemz dai gou lo! Neix……
ai……”

Bohgoux biengj hai saekbingz,
aeu lwgfwngz danzdan ndangbingz,

• Sawcuenhraz Lwgnyez •

Gij Golwngnyez Henz Dahhoengz

红水谣

□ Lanz Haijyangz Moz Beibei / 蓝海洋 莫蓓蓓

dwk ywmba ndaw bingz youq gij
baksieng Aulungzgveiz.

“Ngoenzde aenvih Ahveij deng
ngwzdoeg haeb, gou daegdaengq hwnj
bya bae caiq ra di ywdoj, liuh mbouj
daengz bungz ‘Vangzvaizgvaiq’,
caeklaiq gou rox di vahaem
gyoengqde, gyoengqde couh daiq gou
haeuj ndaw bya bae lo…… Ai!”

Bohgoux laebdaeb bang de swiq
gij baksieng gwnz mbaq.

Mwhneix, ndawsim gou lumj
deng duzngwz haeb nei, yenzlaiz
loengloek cungj aenvih gou! Dauq-
ngeix ngoenzde Aulungzgveiz hawj

gou song bau ywdoj, mingzmingz
daengq ndaej cingcing cujcuj, miz bau
he dwg gij yw naengj fwngz, cienq gij
yw neix le aeu raemxfwi oemq giz deng
ngwzdoeg haeb; lingh bau he gij yw
aeu cienq gwn, doeklaeng gou ndenq
song bau ywdoj hawj Simjemhveij,
gangj caez lo, baenzlawz rox gauj loek
ne?

“…… Ngoenzlwenz gyoengqde
yaek roengz bya, gou couh yaeuh
gyoengqde daengz ndawmbanj, hawj
gyoengqde daengz ndaw ranz gou bae
ndoj gonq, gou baez gven dou, couh
mbehai loengz ciengx ngwzdoeg……”

“Aiya!” Gou caeuq bohgox
doengzseiz heuh ok sing.

“Duz ngwzdoeg cij haeb boux-
vunz luenh swenj luenh buet, gou diuq
hwnj gwnz daiz maeuq mbouj ning,
sei ndaek caeggeq haenx rox deng
yaeuh lo, ‘Vangzvaizgvaiq’ yaengx
fagcax daeuj camx gou, ndawde iqet,
ndoj mbouj ndaej……”

“Seizneix gyoengqde ne?” Boh-
goux gaenj cam.

“Ai! lij youq mihuhsaenzvangz
sei qhenz, byaij mbouj ndaej gyae
hane……”

(caengz sat)